

B. N. C.
FIRENZE
1009
15



1009. 15

1009, 75
D E C A S

Amenissimarum Epistolarum,

Quas Claudius Achillinus Ad Iacobũ Gaufridũ,

Et Gaufridus ad Achillinum scripsere.

Qua particula est maioris voluminis,

Illius scilicet Mercurij,

Quem idem Gaufridus animo versat

AD ILLVSTRISSIMVM
FABIVM SCOTTVM
Miceni Comitem.



• P A R M Æ , M D C X X V .

Typis Seth, & Erasmi de Viothis.



DECEMBER 2

At the Court of Sessions

in and for the County of Middlesex

the following Petition was presented

by the said Petitioner

in support of his claim

to the said County of Middlesex

and to the said Court

of the said County of Middlesex

and to the said Court


of the said County of Middlesex

and to the said Court

of the said County of Middlesex



Illustrissime, & commendatissime
COMES.



U G N A N T hīc mutuis
 scriptiōibus duo amici ;
 Altero superbit Gallia ;
 Altero gloriatur Italia ;
 Vtroq; triumphant Mu-
 sa ; flos videas peregrino
 pede in arenam literariā
 descendere ; pretiosis iūti-
 bus praelari , & ex armis
 eloquentia ingeniosissimas excutere scintillas .
 Non tot radiorum volumina componunt Orbes
 illi festiui , quorum & Intelligentia , & stella , &
 lumina , & influxus sunt ignes , quot spectabiles
 radios horum utrumq; versatile ingenium eruditè
 iaculatur . Vter tantorum scriptorum palmam
 A 2 . ferat ,

ferat, legentis erit iudicium. Tu interea Fabi,
 cuius adorata affabilitas, inaudita fides, spectata
 prudentia, admirabilis dexteritas, Casarea libera-
 litas, Heroica magnanimitas tantam Fame ma-
 teriam suppeditauere, ut donec elementum terra
 steterit finem dicendi non sit factura. Tu, inquam,
 Fabi Comes Illustrissime, primarius eris tanti cer-
 tamini spectator, quando obseruantia in te mea
 Genius impatiens iussit, ut hunc pugnae campum
 tibi sacrarem. Vale. Parma Idibus Februarijs
 1635.

Tibi ex animo addictissimus.

Bartholomeus Franchinus.

CLAVDIVS ACHILLINVS
AD IACOBVM GAVERIDVM.

*Funera pulcherrime Puella quæ rhetoricè, quæ poeticè
prosequitur.*



Bijt nuper Angelica Syluaspinga virgo
supra naturæ expectationem, supra
oculorum desiderium, supra elo-
quentiæ sortē, supra hominum fidem,
& admirationem pulcherrima; Virgo
ad cuius pedes, si diutius vixisset, Im-
penij sui fasces Pulchritudo citata deposuisset; Virgo eo
temporis articulo nata, quo prægnantia sydera, matura-
tis optimorum influxuum sætibus, & obstetricatæ felicita-
tē parturiebant; eo temporis articulo, quo horoscopanti
Veneri Iuppiter aspectu trigono arridebat. Non est aut
Regum, aut Cæsarum maiestas, quæ illius vultus maie-
stati non decessisset. Quocunq; spargebat oculos vibra-
bat dulces catenas, quibus omnium corda ducebat in
tryumphum; potissima verò tryumphi gloria hæc erat,
vt præda ipsa propriæ catenæ applauderet; Verba, quæ
in beato illius oris Trono regnabant tryumphatorum
captiuitatem sancire edocta amabilem libertatis iactu-

ram feliciter condiebant. Ite vos, o Mundi Reges; Scep-
tra vestra corporibus instant, sed sepiissime animi, qui
corpora informant sceptris vestris sunt longè maiores;
Atq; ita non humanitati, sed humanę terrę dominamini
Hęc virgo animorum Regina nobiliorem hominum
partem moderabatur, neq; ab illius habenis Imperia
vestra euasissent. Geminum illius frontis solem dignum,
mi Gaufride, iurasses, sub cuius influxu in longiorem vi-
tam nidificaret phoenix. Ludebant ad illius pupillas Em-
pireę quasi fauillę amantium extasi, amantium raptu di-
gnissime. Dum verò ludebant, spectantium pectora serio,
& attonito vrebantur incendio. Partes illius vultus ita
sibi inuicem respondebant, vt illarum harmonia quasi
per oculos audiretur. Natura, vt Idololatricę pericula sub-
moueret tantum pulchritudinis portentum eiurauit, &
extinxit. Pro illius salute dum langueret non erat cor,
quod vota non conciperet, non erat lingua, quę vota non
pareret, non erat Numen, quod votis non peteretur.
Vidisses, ad illius cadauer, dum efferretur, omnium
pietatem nascere per lachrymas, omnium dolorem euo-
lare per eiulatus. Digna fuit hęc mors, quę delicias
Cypri funestaret: Dum enim tenere illius genę pallore
mortis suffunderentur, digna fuit, quę sanguineas, &
superbientes de spina rosas, rosas illius vultui confor-
tes pallori damnaret; Dumq; lethali frigore illius ocelli

tor-

torperent, digna fuit, quæ per colles, & montes supercilia fontium deprimeret; ut vberiores exprimerent lachrymas; atq; tandem in luctum exinanirentur; Dumq; aureus ille capillus moreretur, digna fuit, quæ plantis, & floribus vniuersale defluuiū indiceret. Hæc hæc Virgo dignissima fuit ad cuius cineres hodie pullulet Hyacinthus, atq; natium ingeminet ai; Quæ enim sunt illa funera, quæ odoratas tanti floris querelas iustius exposcāt? Dignissima fuit (quid altius, mi Gaufride?) tuo luctu. Ego ad illius sepulcrum ita sum lachrymatus.

Lucetia, & Helene Pluma

creantur hinc inde.

Venerunt verba.

Cypria Veneris ad hoc & non non digne fecit.

Cupidines ab acubus se iactant

Interbellum est hinc omnia fecerunt.

Anno

Cypria videri.

Sole de Virgine excurrunt.

Venerit hinc illi passus.

Tu vero accipere tale.

Hic iacet
 Angelica Syluaspinæ
 Commendatæ, & suspiciendæ Pulchritudinis Virgo,
 Quam nullus vnquàm mortalium vidit,
 Quin Spina punctus,
 Sylua irretitus,
 Angelico afflatu correptus
 hæreret.

Quæ niueo digito roseis labellis admoto.

Lucretiæ, & Helenæ Famam
 eternùm silere iussit.

Vno dicam verbo.

Cymba Veneris ad hoc Saxum naufragium fecit.

Cupidines ab arcubus feriat

Intempestiuo cineri hæc otia fecerunt.

Anno

Cypriæ vastationis.

Sole de Virgine exeunte.

Venere deliquiū passa.

Tū verò æternum vale.

9
IACOBVS GAVFRIDVS -

AD CLAVDIVM ACHILLINVM

Funeris immaturi causa.



Nihil stupeo, Achilline suauissime, tuum
luctum; superba mortis audacia im-
maturam hanc cladem fecit. Inuidit
hæc atrox Dea prodigio tā specioso,
ne cogeretur illi diuidere potētiā suā.
Nam gubernasset hæc Syluaspinga
mille amantium vitam, cui iam fatale statē suis crinibus
præparabat. Occurrit mors tanto discrimini, suæ tyran-
nidis non passa consortem. Parcarum numerum augeri
non tulit prodeuntibus illius annis, hoc solū officiosa
naturæ, quod hanc sustulerit expectationem, ne cresce-
rent mortalium damna. Quin fortè sequitur acerbum hoc
funus, ne pereuntium dein amores, ream virginis inno-
centiam accusassent. Felix occasus, qui properantibus
fatis inuectus, nominis æterni gloriam maturauit huic
puellæ. Sed nec diu poterant in terris sydera collucere;
violentus illis erat hic locus, vt redire primū orta de-
buerint, vnde deflexerant. Imper erat illorum luci tenel-
lum corpus, quod gemini solis incendio contabescens

cælo

- coelo reddidit, quod cœli erat. Venerata est tua pietas
superstites cineres, ea quidem lachrymarum vbertate, ut
inde Sacri Olores reuixerint. Illustrauit & monumentum
tui nominis fama, hoc quidem caractere ingenij, ut non
manes errabunt ad urnam, non umbræ, sed immortales
Achillini splendorēs. Vale.

CLAV-

CLAVDIVS ACHILLINVS

AD IACOBVM GAUFRIDVM

Villa Saxi Principum Curijs prelata.

D saxi colles rusticamur, mi Gaufride,
 o colles, o scenas ad sistendum fugacis!
 Rheni theatrum, & natus, & felices. O
 quã innocentibus illecti oblectamētis
 hic a Ciuitate procul vitam ducimus.
 Hi riui, qui clavis argumentis vber-
 tatem fontis testantur sinceriore discursu ciuium collo-
 quia longè anteuertunt. Tenaces harum arborum com-
 plexus, quibus contra solem superbit pia hæc, & accliuis
 ad Templum deambulatio, amicorum, & Principum fœ-
 dera umbrarum fide obscurant. Roseta Tybridis acro-
 ribus aculeis armantur, quàm innoxie hæ rosæ, quas im-
 pauida manu tractamus. Pacatę nostrarum quęcum-
 umbrę pulchriores spirant paces, quàm oliueta illa, quę
 super suos colles iactabunda extollit Roma. Ex hisce præ-
 rupis rupibus, quę quasi tutrices aduersus Austri iniu-
 rias supereminent cliuos nil aliud agitur præceps, quàm
 tedium illud, quod Ciuitatis pepererat tumultus. Hæ vi-
 tales satietatis ciuilis ruinæ sunt nostri solatij, amenissimæ
 elationes. Hic innocentium olerum gloriosa emulatio
 per præta per valles viret innocentia, & quies. Hic de pe-
 regrina florum duplicitate, obstetricante oculorum sola-

tio, placet

tio, & nascitur, & promouetur animorum nostrorum
 aurea simplicitas. Aurarum suspiria sunt nostræ volup-
 tatis dulcissima respiria. Farundem aurarum animæ,
 dum in exedris otiamur nascentem informant tranquil-
 litatem. Vmbrę nemorum sunt splendores nostrę sereni-
 tatis. De fontium lachrymis nostræ pacis componitur
 risus. Fuga fluminis præ dulci stupore sistit, & oculos, &
 pedes. Hederæ pendulæ, & intertextę, quæ quasi antro-
 rum velamina ab aura ianitrice tractantur excludunt glo-
 riam illius artis, quæ Phenicię populi inter aulcæ predi-
 cantur. Serpentina per nostros parietes malorum punico-
 rum peristromata vincunt diuites persarum delicias, qui-
 bus circumtectæ Regum atria adorantur, quin potius
 vincunt eas opes, quas vnquam Cęsarum luxus imagina-
 retur. Hic gestiunt laurus cacumina potius nostri mon-
 tis, quàm cogitabunda Regū capita coronare. Concen-
 tus apium, qui adeo harmonicum reddit Auroræ articu-
 lū, qui adeo harmonicè veniētem excipit diem dulciores
 cytharas obliuioni damnauit. Hic Vlmis maritatæ vites,
 dum per luxuriantes, fecundos, & vagantes palmites à ma-
 ritis diuertunt desideratæ libertatis memoriam amenissi-
 mē renouant. Eco sola curiales redolet assentationes, sed
 illā natura excusat, dū altera ex parte ars infida naturæ as-
 sentatores damnat. Hoc vltimo desiderio literas claudō:
 Hęc est regio cōformis candidę synceritati mei Gaufridi.
 Vale.

IACOBVS GAVFRIDVS

AD CLAVDIVM ACHILLINVM.

Vera laudes Achillini colligunt ex Villa Saxi.

Vi saxi peramæna varietas supra reli-
 quam deliciarum speciem gloriatur
 hoc nomine, quòd præsentem habeat
 Achillinum. Fortè fuit, vt clarum ad-
 eo priuilegium supprimeres, ne dotu-
 tuarum hiltoria loci formam obscura-
 res. quasi tua tibi villa inuideat, quod
 illi laudis materiam facit. Interroga Echo, quam habes;
 ea testabitur hanc veritatem, si responderit virtuti tuæ:
 non enim aliam mendaciorum fidem nouit, quàm dum
 modestiæ tuæ vocibus docetur artem adulandi. Sed &
 interroga modestiam tuam; Hæc tibi iam conscio non
 sustinebit inficiari, quod scribo. Scilicet voluisti preme-
 re tuum nomen, ne illius splendore collustrasses obscuri-
 tatem vmbrarum, quas in virentibus tui campi recessibus
 adeò pretiosè commendas. Pulchrum erat & vel soler-
 tia tua dignum hoc consilium, sed cui dein repugnauit in-
 genij tui præstantia. Qui referes ad veritatem, quod con-
 cipere te non patitur facundia tua? Horroris imago dis-
 perdi-

perditur ad eius lumen, & dum inaudita hæcenus verbo-
rum elegantia Saxi solitudinem celebras, lumina verius,
quàm umbras refers. Hoc sane exprobro iam illis ramis,
quòd a mentis tuæ splendoribus vindicare se nequie-
runt, qui efficaci frondium intextarum nexu coniurauerāt
in lucem solis. Denique si nouum quæris tuæ virtutis ar-
gumentum, interroga tuum Rhenum, cuius fluentibus
aquis toties ad Musarum satietatem impleuisti exhaustos
latices Aganippes: nam lamentabili fugacium vndarum
sufurro testabitur iste fluuius, quàm ægrè recedat a præ-
sentia tua, eodemque murmure proderit illius iacturam
formæ, quam frustra quærette absente. Vale.

Longioris

IACOBVS GAVFRIDVS
AD CLAVDIVM ACHILLINVM

Ciuilis Aestus descriptio.

Longioris in villa morę te monebunt hę
literę, quę sub æstuantis Sirij argu-
mento cōmendabunt absentiã tuam.
Votũ ego damnare iam audeo, quod
mihi faciat te presentem, ne per ingra-
tum prorsus officium te cuperem so-
cium huic ardori. Communis ille luminis dispensator,
quasi moliturus incendium nostrum, halitu seruido pe-
rurit hoc cœlum, & quem planetam auctorem vitę vul-
gat Philosophia, in excidium vitę iam exuperior coniu-
rare. Nullũ hęc aurę frigus occurrit in leuamen æstuan-
tis; sed haustas cũ spiritu flammę ineuitabilẽ diceret oc-
casionẽ tabis in vitã infundere. Frustra quęritur hic pau-
cus aer, quem non afflauit noxium sidus, frustra locus,
qui nõ exarserit hac contagione. In terram altẽ receptus
calor, exusta materia flatuum nihil exprimit nisi seruo-
rem. Nec cedit in leuamen industria, quę repetito aeris
motu suauē frigus aliàs dabat. Nihilo seciũs quàm laten-
tem in titionibus ignem, diffaret hunc aerem agitatio,
quem

quem nimis ardor iam ad flammam præparauit. Per omnia hic repit calor, sed adeo violentis excessibus, ut depressam iurares ex æthere sphaeram ignis, & suis conuulsa sedibus elementa in perniciem nostram trahi. Concipe nunc maiora prodigia, cum ignis quasi viciniam Lunæ pertæsus, per aerem deorsum ruat, & qui superbo prius motu superabat omnia corpora, nunc ab innata suæ leuitatis consuetudine ad nos desleat. Nec solum his euentibus, Achilline suauissime, se prodit hoc æstiuum incendium, sed grauioribus adhuc iniurijs rabies sæuit latrantis ex cælo Sirij. Qui prius maturata per glaciem hyeme siderum fallebamus ardorem, immedicabili iam æstu conficimur; congesta enim in cella niuem soluit iniquus calor, orisque luxuriem, quæ prouida ingeniosè fuerat deliciarum, ad sola traduxit desideria. Fortè voluit planetarum ille maximus ea nobis occupare discrimina, quibus recepta per argentes calyces hiems affligere corpus solet. Sed maligna esset hæc charitas, quæ nos obijceret grauiori periculo. Sol ipse nobis inuidit hoc leuamen, ne in hac furendi licentia, alienæ voluptati consentiret. Aestuantium palato noluit is niuem solui, ne periret hæc victoria superbæ illius luci, & iam auidè incendiorum. Sic feruentibus illius triumphis nostræ ruine cumulantur. In hac æstuum vehementia languorem is solum leuat, qui per quietem sustinet cauere sibi noui ardoris

doris occursum, ut inertiam suam amet, quem pigrum natura creavit. Ad hoc adactus ego remedium, corporis impetum graui premo tarditate, & quasi laborantem incessum superba maiestate compono. Si ad mores transiret isthæc mutatio, gloriarer haud dubiè in hoc iuuentutis exordio ultimam maturasse senectutem. Sed superis hoc vnum debeo, quod mihi morum facilitatem infunderint, cum ætatis solum decursu mutabilem. Diu tamen placere non potuit ista seueritas, quod artibus insueta pigritia æstus mihi accendat acriorem; adeo viuus indolis ardor laborat in quiete. Tu interim, Achilline, inter auium cantus, inter arborum amœnites, & florum, dies trahis fortunatos; dum ego perimentibus vndique præcinctus caloribus excessibus, solatiû nescio, quo mea damna non ingrauescant. Ex æquo hic motus nocet & ipsa quies, ut iam natura, quæ nobis vtriusque causas ingenuit, sit in hoc æstu violenta. Melior est, Achilline, tui Saxi natura, quæ suæ varietatis ingenio te seruabit ab his incendijs. Extulit illa tibi colles, e quorum amœnis apicibus præcipitatur omnis calor. Valles dedit, quarum vernans hilarisque solitudo se comitem vbique faciet tuis delicijs. Denique copiam & tibi fecit vicini Rheni, in cuius flumine crytallo naufragium patietur ardor, ut emergat tua voluptas. Sed vehementi Sol luce feriat & tuum Saxum, coniuuraturus in tuam pacem. Tuorum illic ruinæ nemo-

rum omnes ardeant, Et tandem exhausto flumine contabescant tuæ Naiades. Frustra Sæui erit æstiuus seruator. Aeternum enim pro tuo leuamine fluent Castalij fontis aquæ. Plura subijcerem, quæ tibi referrent hos ardores, vel ingenij tui prodigia iustis encomijs celebrarent, Sed quasi fureret pro modestia tua calor, ipsum exhaustit atramentum, ne iam scriberem virtuti tuæ. Verum utcumque deficient literæ, profectò deficiet nunquam amicitia nostra fides. Vale.

CLAVDIVS ACHILLINVS

AD IACOBVM GAUFRIDVM

Aestiu caloris poetica descriptio.



Egi tuas de nimio in Ciuitate calore
 anhelantes querelas: Sed iuro, mi Gau
 fride, per indignatam, & implacabilē
 Solis facem, me quoq; , per hæc ne
 mora, vmbrarum, & aurarum idolo
 latram comburi. Videres hîc nostros
 Soles, præ siti extrema, suxisse olera, bi
 bisse fontes: Flumen, quod antea pleno fluebat margine
 vix tot lachrymis sustinetur, quot arenarum siccitati de
 flendæ sufficiant; Vt hinc Nais, & sicco pede, & volitā
 te capillo nouas sibi sedes affectare videatur. Riui ab Au
 stro incitati puluerulento cursu rigant oculos. Caltha,
 Anemone, Elycrisij, & de florum familia sexcenti non
 veteres, per prata, per campos fabulantur amores, sed ab
 acriore radio correpti odorata quasi dixerim colloquia
 soluerunt in cineres. Amarantis immortalibus egregij
 huiusce tituli iactura nunc primùm in foliorum deluui
 o & legitur, & lugetur. Ab hac vniuersali Florum strage
 non equalit Heliotropium; Vidi nobilissimum hunc Florē

rebelli primùm conuersione adoratos abominari radios,
 deinde verò sub veteris suæ fidei fide concidere. Vmbri-
 fera hæc nemora, vt antea somnos promouerent tenacis-
 sima frondium conspiratione Solis maiestatem negabāt,
 nunc ab eiusdem ignibus cruciata, & torta illius radios
 apertè confitentur. Non est fontanus margo, qui ob des-
 peratum suæ coronæ virorem se ipsum non dissipet in
 pulueres, atq; ventorum, quos integra prius herbarum
 compagine ridebat solutum non volitet ludibrium. Se-
 pes, e cuius viridi munimento Floræ propugnaculum ab
 armentis construxeram, obsidentis nunc solis ictibus
 quassata, veluti solutum cadauer ossa ostendat, & iacet.
 Oleæ, quæ pacis est symbolum nō est pax cum Sole. Da-
 phnis gloriosa, quæ diu moratura venerat in syluam, &
 sub cuius incuruatis brachijs frontes poetarum trium-
 phabant vltimis iam tabida flammis vltimum nemori
 vale prænunciat, vt propterea, si suæ Daphnidi Sol non
 parcat quid sperandum? O felicē Narcissum, si te, tuosq;
 amores in hos dies fata distulissent; Non esset in syluis
 subdolus latex, qui, fracta de positi fide, exceptam à vultu
 imaginem poscenti cordi restitueret. Quin potiùs, o te
 infelicem, si de Narcisso pastore, sub his ardoribus, flos
 Narcissus vegetasses; Non enim ad fontium lymphas,
 sub vernis solibus, sub auris a Cupidinis ala excitatis, sed
 inter Cocyti flammis floruisses, philomelarum concen-
 tus,

rus, qui nostra topiaria, & umbellas harmonicè animabant. quiq; mihi in exedra sedenti, modò suspensi, modò præcipites suspendebant æstatis moleſtiam, Meridiei tedia præcipitabant; modò producti, modò intercisi producebant tranquillitatem, intercidebant fastidia; modò excurrentes, modò interplicati excurrerant in animâ, interplicabantur curis; modò languentes, modò rediuiui læguores leuabant, vitam recreabant; modò tumidi, modò extenuati inflabant solatia, extenuabant merores; modò submissi, modò elati submittebant satietatem, efferebant gaudia, modò queruli, modò hilares mulcebant querelas, promouebant hilaritatem, nunc inter funestas tanti caloris faces, inter sæuientes flammæ læthaliter obmutuerunt. Vah tibi Roma, si te, sub tali syderum tenore, Nero succendiſſet; superbi enim Quiritum aqua ductus, qui aereos ducunt Ganges, ne stillam quidem humoris in extinguendas flammæ effudiſſent. Ni Salamandræ frigore ipſa concreſcat natura, in extremo, ni fallor, verſatur periculo, quando ſtellarum ignes ita conſpirant, vt illud demoliantur elementum, quo rerum compago in ſecula firmabatur. Sed augetur periculum in nobis, Gaudifride dulciſſime, cum enim, prudenti naturæ decreto, ſit ſancitum, vt, aere cor noſtrum reccurrente, viuamus, nunc verò ſolos in pectore tractemus ignes; Certe vereri licet, ne præcordijs in dies ignitis, flammæ tandē, & naturæ cē-

damus. In media ipsa aeris regione perijt antiperistaris;
 hostiles enim conatus longè calor superauit; Quare in
 tanto discrimine id solamen sentit Bacchus, vt grandinem
 non timeat, si tamen, & ipse non perijt flamma, antequã
 gelu non timeret. Verùm, si tales æstus seruauerit hoc an-
 ni tempus, Vulcanum audiet Deorum Senatus vocantẽ
 in luditium Apollinem, atq; insolentem illius tyrannidem
 accusaturum. Non patietur fumosum illud Numen alio,
 quam suo moderamine vim flammaram dispensari; sed
 ex eo aduersarium criminabitur, quòd pulchræ lucis præ-
 textu per vniuersa terrarum furens cuncta comburat.
 Assurgent accusatori in testes Nympharum collegia: Di-
 cent Hamadiyades non esse plantam, quã folijs, phylir-
 risq; cumbustis, suæ non pudeat nuditatis: Dicent Naia-
 des non esse flumen, quod monstroso cursu non fluat in
 Solem, nec esse littus maris, quod vana fluminum expec-
 tatione non ardeat: Dicent Napeæ non esse cæspites in
 pratis, qui de torrido textu lacertarum penetralia non
 prodant; nec in hortis esse flores, qui coram radio defun-
 cti famelica apum murmura non eludent; Deniq; dicent
 Dorides, non esse cur mortales diei stupeant longitudi-
 nẽ; egrè scilicet Amphitrites occidentem excipit Solem,
 verita, ne victrices flammæ in humido sinu excipiat. Phae-
 tonteam nunc Apollo iactabundus damnet imperitiam:
 Ipse ipse nescius flammaram ignes freno cohibere non
 valet.

valet. Sed quæ impròuifa mibi sub Alnorum vmbris hæc
 exaranti blanditur, & murmurat aurula? An Phœbus a
 Vulcano conuictus detectum fufpirat crimen, & mendi-
 catis a Berecycinthiæ pectore fufpirijs dæmnum nititur
 emendare? O auram tam diu expectatam; tibi vireant
 verbenæ, te coronent gramina, tibi reuiuifcat Bacchus;
 Humilis tibi Flora rideat; Superba tibi Pomona tumeat.
 Tibi verò, Gaufride fuauiffime, hoc precor, vt per lenem
 hunc fpiritum ab ardoribus æternum valeas; valeas, quā-
 do, nifi valueris, video crudeli mora differri admirandam
 illam tui Filogenis, & Califtus hiftoriam, quæ rhetoricæ
 veterum gloriæ filentium eloquentiffimè indicet. Vale.

IACOBVS GAVFRIDVS

AD CLAVDIVM ACHILLINVM

Luctus ex amici perempti nuncio.

Tſi meus hîc luctus vix animum pa-
 riatur auerti in alienæ felicitatis inui-
 diam, non potui tamen, quin amœ-
 nitate, qua te tuum Saxum beat, per
 ſuauiſſimam imaginem me compeli-
 larem. Nec in dolorem meum pec-
 cat cogitationum hæc libertas. Quòd
 enim iam nequeam datam tibi fidem implere, certè mœ-
 rore nouo ægritudinem meam augeo. Qui promiſeram
 & volueram quoque tuam in villam eniti, nunc cogor,
 & tibi & mihi deficere, ne mei doloris præſentia tuam
 confunderem hilaritatem. Lauda charitatis hunc im-
 petum, continuòque damna mortalium vices, quas vel
 ſucceſſibus violentis maturant plerumque Fata. Mihi nu-
 per & Muſis abſtulit cruenta manus Ioannem Baptiſtam
 Sacramoſum, & recidit eodem ictu ſpem illam, quam in
 ſui nominis incrementum conceperat ipſa virtus. Heu!
 periit qui ex ardentibus bellorum tumultibus rerulerat
 toties victricem manum; qui toties hoſtiles laurus funeſ-
 tauerat

tauerat inuictō ferro, & quem Germania ducem viderat
 barbarorum cœde gloriosum, iam patrius luget Athēsis
 improuiso percussus facinore. Cecidit, Achilline, cui
 tot elusa discrimina, tot relati de fortuna triumphī pro-
 miserant aternitatem. Num iam ingrata est mortis au-
 ditas, quæ rependit Fatorum perniciem, cui debet bene-
 ficia tot prædantium? Raptum hunc prætulit funesta Dea
 innumeris illis cladibus, quibus generosa Sacramosij
 manus eius pallorem cumulasset; Sed temerariam hanc
 illius ingluuiem elusit euentus. Melior enim deinde vita
 eripuit morti, quem illa nobis amicum abstulerat. Ve-
 rùm vtrumque fuerit ab solo traductus ad cœlum Sacra-
 mosius, turbauit hæc eclypsis Heliconem, quem is inge-
 nij sui lumine serenebat. Turbauit & latices Hippocre-
 nes, quos ille toties suis illustrauerat atramentis. Nec tu-
 lerunt hanc iniuriam Musæ, quæ de more diuertebant ad
 eruditas alumni delicias. In vindictam acerbæ cladis con-
 iurarunt, vitalibus afflaturæ suspirijs famam tanti viri.
 Denique funerato corpori parentarunt hæc Numina,
 sed lachrymarum vbertate testata iacturam suam. Ean-
 dem tu iactabis pietatem, si aliquo tuæ Musæ argumento
 lugebis nuncium tam infauftum. Nec ad ferale carmen
 dolebit illa, quod pangetur in casum alumni. Mœrorem
 veriùs tam pius furor subleuabit, quem potuerit ipsa cō-
 cipere. Si te respicis, suauissime Achilline, si amici me-
 moriam

moriam curas, denique si seculum ipse amas, prorsus hoc
 debes. Da sodes hunc famę laborem, & quàm aliorum
 virtutem colas, iustissimo labore prode. Nam & labo-
 rabis ipse tibi, cum in alijs celebrabis, propter quæ lau-
 daris ab omnibus. Percrebrescat igitur tuę villæ silen-
 tium, & cantu prouocato dicter, quę possint Sacramo-
 sꝫ manes apud exteros commendare. Sic enim præter
 ingenij tui laudem, beneficium etiam dabis, quòd atpe-
 rum mentis vlcus mulcebo lectione tam pulchra.
 Vale.

27

CLAVDIVS ACHILLINVS
AD IACOBVM GAUFRIDVM.

Laudis occasio sumitur ex ipsa morte Sacramosij.



Væcumq; oriuntur, & intereunt, Gaufride eruditissime, desiderio gloriæ, quodammodo teneri depræhēdimus. Gemmascit ille flos, & extuberat, mox verò quasi supra stirpis conditionem elatus, odorata superbit gloria. Pinus, & illa, vt syluestrem aucupetur applausum, Vulgus arborum perosa, ex illarum cætu proceritatem exsinuat. Olympus procellas ad latera dedignatus in tranquillam montium gloriam assurgit. Adamas, vt lapillaris gloriæ titulos sibi soli inscribat, cuiusuis lapilli lucem acutissimis perstringit radijs. Roma gloriatur bellis, exultat pietate. Memphis pyramides ostētat. Gallia vnum in literis iactat Gaufridum. Sed quid mirabilius ē res ipsæ, quæ non sunt, Vulgi & ipsæ conditionem aspernantes suam sentiunt gloriolam. Mors ipsa, vt singulari triumpho conspicua incedat Sacramosium, in medio cursu gloriæ, supplantavit, & proprium currum tanta onustum præda ad sui palloris Tarpeium iactabunda

da euexit, atq; , per suę fulcis iura, hoc tempore iurat, se nobiliorem messem antea non fecisse. Luge propterea, Gaufride, luge, quando & lugent Eliconij Cychni, & luctu illo Aganippidis vnda exundat. Luge, quando turbata Musarum serenitas luctus pluuiam expectat Luge, quando Phębus ipse in tanta radiorum matura imbres luctuū non auersatur. Luge, Gaufride, sic enim Laureta, quę Ascreos coronabant colles, quęq; foliorum defluuiō nudata, prę cruciatu penē aruerant, tuo luctu sensim reuirescent. Luge, ita. n. tuus luctus secundabit Cyprias tempestates; Ibi quippe Myrtera Veneris natant inter lacrymas Cupidinum, qui, desperata in posterū arte iaculandi, fregerunt spicula, atq; dolorum imbribus pharetras impleuerunt. Eia, age, Gaufride, arripe Sacramosia Cytharę cadauer, affla suspirijs, irrorata fletibus cumq; sacro dolore sanciueris precare carminibus Apollinem, vt nobiliores illius Olores in eo nidificent, Quis sit, an concentus de nido erudiant, & rediuuium redhibeant Sacramosium? Quo scribebat calamo lyrica fama ditauit alas; Hęc, si dispereat, calamus ipse translatus in cęlū faceret in stellā. Aurarum animę, quas ipse cantu mulcebat, iuerunt ceteruatim in poetarum suspiria, neq; aliunde, quā ex funesto illo ministerio solatium captant. Sic verba mea, prę dolore concepta, eunt in silentium. Vale.

Nolim

IACOBVS GAVFRIDVS
AD CLAVDIVM ACHILLINVM.

Satyra in Scholæ audaciam.



Olim ampliùs fauere silentio, quod
noceat indagini tam curiosæ. Satyræ
enim id iustissimam premeret, quam
in audaciam ingeniorum hesterni cō-
gressus occasio excitauit. Id abrum-
pam literarum hac materia, in qua
mecum detestaberis, qui nusquam
egressi naturæ fines, examen ingrediuntur increatæ sub-
stantiæ. Hi quasi vilescerent mysteria fidei, audent scire,
quod gloriosius est omnibus credere, & penetrato suæ te-
meritatis acumine in supremam ideam, mendacij quæ-
rere occasionem. Sed longiùs ab humano phantasmate
recedit Deus, quàm vt possit vllò cogitationum vigore
capi. Nusquam enim potest ad hominum mentem acce-
dere, quod transire per sensus nequit. Quamquam diui-
nitatis æmula mentis substantia, sit tamen desiderio cor-
poris inquinatur, quippe cuius potentijs clausa, se mate-
riæ consortem facit. Hinc errorum prima ratio, quos ab
ortu nostra ducit contemplatio, Hinc imaginum illa ne-
cessitas,

cessitas, quæ nos inclinat ad corporum formas. Hinc præma semina intelligentiæ, quæ rerû extenuata crassities ubique solet adumbrare. Ab hac conditione frustra quæras examen abstrahere, frustra tuum informare ingenium simplicissimis rerum ideis. Naturæ decretum nos obligat his speciebus, per quarum umbras lucere nobis solum potest sublimior meditatio. Nam ex imaginum hoc crassamento radius quidam erumpit veritatis incorporeæ, qui continetur in animi repugnantis energia. Quem enim phantasmati negamus assensum, supremis applicamus rerum gradibus. Verum tenuis est ista cognitio vix digna curiositate philosophi, ut quæ solum intelligere potest, quod sibi nequit representare. Sic ludimus circa rerum ideas, ut quas nobis sub imagine corporis efformamus, æstimemus immortales solo phantasmatum refutatu. Hic dissensus est arbiter naturarum, hic æstimator omnium graduum, denique hic iudex æternitatis. At num insanix proximum dices, ex errore phantasmatum inferre numinis intelligentiam? potest naturæ impetus nos in abstractas formas intendere: potest maturum rationis examen ad immutabilem causam pertinere, unde pendeat necessario, & intrinseco nexu vniuersa hæc rerum machina: potest acumen ingenij fidem nobis sollicitare diuinitatis. At sit absurda vel decreto meliorum illa disputatio, quæ simplicitatis infinitæ characteres distinctis quærit ideis concipere.

cipere. Possumus illius dotes pio verborum apparatu
 explicare nostræ tenuitati, & pugnantium naturarum
 discordias remouere a mysterijs fidei. Sed impius esset
 is labor, quo nobis auderemus exprimere veram imagi-
 nem nostri cultus. Hic solùm potest obsequijs compræ-
 hendi, non audacibus argumentis, quæ raptum ingenium
 per controuersias, velut in pœnitentiam temerarij cæpti
 immanibus allidunt erroribus. Quis mentis supremæ
 consilia, quis decreta, quis intelligat immutabile nomen
 Distinguiamus in momēta, quod momento simplicissimo
 mensurat æternitatem, & separamus in conceptus, quod
 notione indiuisibili dotes immensas capit. Certè repu-
 gnamus deinde horum defectuum cauissis, sed eodem dis-
 sensu crassitiem nostram asserimus, & comprobamus
 nostræ mentis impotentiam. Verùm vtcumque cæca sit
 ista contemplatio, tolerabilis tamen esset si finiretur in
 hac specie. Nunc audet multorum ingenium momenta
 fidei clariori ratione discutere, & mysteria referare, quo-
 rum sancta & venerabilis auctoritas, omnino deficeret, si
 cōpr̄hendi a nobis posset. A deo vilescit mistione sui cor-
 poris anima, vt inquinet suo lumine, quidquid supra na-
 turam intelligit. Surgit illius impetus ad numerum Per-
 sonarum, quas sub triplici relatione veneramus, & quod
 omnium est altissimum, illarum originem sub vnius natu-
 ræ respectu distinguit. Hic verò quot commenta, quot
 ambages

ambages irretiunt animos & applicamus Diuinitati, quas rationes colligimus e creaturis, sicque laruam Numinis que figmentū intelligimus non verum Deū, cuius vera & christiana perceptio expectari omnino debet ab luminis purioris auxilio. Audi, mi Achilline, quī pessima doctrinæ vanitas corruerit multorū ingenia, quæ temerarios ausus tollunt ad ipsum opificem, ubi deficiunt in exprimendis operibus. Cū insolenti prodigio cōuelluntur nature vires, & soluti elementorū fines, nobis exponunt nouitates, quas stupore laudabili ipsa explicat philosophia; tunc omniū examē silet, & audita miraculi voce frēnatur oīum curiositas. Nunc sustinebimus miraculorū auctorem qui discrimine prorsus immenso præcellit ipsis miraculis, intelligere? Verū quia procul ab nostro captu distat supremum illud, & immutabile Numen, ideo multi ambitiosè quæruūt illius examine suā superbiā erudire, non suū ingeniū. Superflua sunt illa dogmata, quibus in scholis cauillantur otiosi. Sed gloriosi sunt illi cultus, quibus nostra pietas illustratur. Non aliud studium est excolendum, nisi quō vera fides, amorem potest in nobis accendere. Nam optatissimam notionem dabit aliquando merces empyrea, dum a corporis necessitudine liberi, a file transibimus ad immortales aspectus. In huius euentus expectatione nostra quiescat curiositas, nec alijs stimulis proritari hæc quærat, quā amoribus ubique pijs.

pijsſimis. Iam intellectus acumen hoc cedit voluntati,
 ut ſuis affectibus hæc cognoscat ſuum Deum. Fortè erit
 ut huius pietas religioſis ignibus caliginem diſſipet cœcu-
 rientis audaciæ, & quaſi gloriæ lumen maturaretur, cla-
 relcant ad faces charitatis ineffabilis myſterij cauſæ.
 Conſilium hoc nobis fruticet præmia tam glorioſa, qui-
 bus tandem, Achilline dulciſſime, & tua & mea vota co-
 ronet æterna felicitas. Vale.

CLAVDIVS ACHILLINVS
AD IACOBVM GAVERIDVM.

Non tam imbecille Dei lumen clarescere Viatori.



Reme satyrā, mi Gaufride, quam nuper excitasti in illa ingenia, quæ in te-
nebricoso corporis ergastulo clausa,
humiq; reptantia inaccessibilem Di-
uinitatis lucem tentare non reformi-
dant, in illa ingenia, quæ terreno man-
cipata carceri Olympicam iactant in-
telligendi libertatem: Preme, inquam, satyram, ne laces-
sita hæc ingenia de logicis faretris promant spicula, quæ
te confodiant. Sed quid tibi timeo? Nota est mihi for-
tissima illa eruditionis lorica; Notus est mihi adamantini-
us ille clypeus, quo & armatum, & munitum accerri-
mè sustines ingenium. Quod, si quid mihi tecum de re
proposita differere licet, paucula quædam subiiciam, sed
parce scolasticis terminis; Quando Rhetoricæ lucis af-
fectatione sinceritatem scolæ obscurare non decet. Non
intercedit tantum dissidij, quantum ex elegantissima tua
doctrina colligo inter nostram intellectionem, & obiecta
illa, quæ tum ratione, tum re abstracta intelliguntur. Re-
cogita

cogita primum eiusdem intellectiōis humanæ gradum, & non nisi per immateriales, quas intelligibiles appellāt species absolui ingenuè fateberis: Excitatur quidem in nobis phantasma corporis vicarium; sed Intellectus agē-
tis lumini expositum materiæ conditiones exuit, atq; indiuiduali abiecto cortice, facessit in spiritalem intelligibilitatis nucleum, qui Intellectui possibili degustandus offertur: . . . atq; in hac mensa respuitur præcedens illud phantasma, cuius refutatus eruditum tibi mouerat risum; Hęc verò est dignitas animi nostri, qui ad spiritalia eleuatus corporum contagionem dedignatur. Quæ res accommodato exemplo illustrari facillè potest. Iacet infans in incunabulis non inuolutus solùm, sed pannis quasi sepultus; Inde verò paulò post nutricis suæ manu subleuatus huc illuc nutanter ducitur, donec tandem firmato pede, & informato gressu, incunabula tanquam sibi inutilia & despiciat, & subuertat. Iacet in incunabulis materiæ, corporeis inuoluta crassamentis & infans, & sine verbo species intelligibilis: Intellectus agens quasi nutritius eam inde attollit, vt ipsa tandem spiritali pede firmato suapte natura transeat ad intellectum possibilem, qui eam verbū docturus humaniter excipit, atq; tanto fouet amore, vt se ipsum illi prorsus identificent; Tunc verò materiales illæ præcedentis phantasmatis reliquiæ tanquam pro illo statuta inutiles refutantur; Scio verò vniuersas huiusce exem-

pli partes rei demonstratæ non conuenire; Quando infans in incunabulis est actu, species verò intelligibilis potestate solùm iacet in materia; At scio quoq; eam exemplis non esse indictam legem, vt omnes partes sibi respondeant. Atq; hic est primus humanæ intellectiōis gradus. Quod si mens nostra in rudiori, & humiliori operationis suæ gradu hoc feliciter præstat, quid, mi Iacobe, præstaturam putas, vbi altius subleuetur? In secundo igitur gradu, vt ad Deum eleuari incipiat, illius essentiam cum hac eadem intelligibili specie collatam spoliât omnibus ijs prædicatis, quæ speciei conueniunt, vt propterea per negatiuam Theologiam inquirat quid primùm Deus non sit, vt deinde ex eo, quod non est, quid ille sit conijcere incipiat; Atq; verè conijcit Deum ipsum omnem substantiam, omnem entitatem, omnem immaterialitatem transcendere; Vt hinc videas, si secundum hunc gradum spectes, Mentem nostram adhuc puriùs, subtiliùs, spiritualiùs eleuari. Mitto hîc vulgares illas motuum semitas, per quas venatus est Aristoteles primùm secundarios orbiû motores, deinde verò primum; Hic enim progressus magis ad quæsitum an sit, quàm ad quæsitum quid sit Deus spectare videtur. Mitto hîc naturale illud lumen, quo ducce, idem Aristoteles cognouit & Deum prouidere, & esse idem cum sua intellectuione, quod postremum cum nostra Religione mirabiliter cōsentit; Nihil autem feliciùs,

vilo

vlllo vnquam tempore admirationi meæ exposuit Peripa-
 tericum illud ingenium, quam quod illuc præteruolare
 potuerit, vt intra naturæ vires intelligeret substantiam da-
 ri posse, quæ idem esset cum sua actione. Mitto hic om-
 nem Theologiam scolasticam affirmatiuam, quæ licet ex
 reuelatis deducatur principijs, ad non reuelata tamen
 progreditur, atq; inde sit nostræ fidei firmamentum, &
 aduersus hæreticos infracta, & constantissima tutela;
 qualem, & ingenio, & linguæ tuæ commendaret Deus, si
 cum ea gente congregareris. Mitto tandem Theologiam
 mysticam, & symbolicam, quæ per sacras sparsa literas
 nos typica manu ad Dei cognitionem attollit, quamq;
 testatur Paulus, pro parte defecturam in Patria; speculū
 quippe, & enigma dissoluetur, & sub ænigmate contē-
 tum, suprema claritate, reuelabitur, quæ specula, quæ
 ænigmata, qui typi, quæ symbola, quæ mysteria non tam
 imbecille Diuinitatis lumen viatoribus aperiunt. Sed eia-
 age, mi Gaufride, mecum attolle ingenium ad tertium
 humanæ intellectiōis gradum, & per sacros Diuinitatis
 flores animæ nostræ spatiabitur odoratus. Cum intellec-
 tus noster intelligibiles rerum species fuisset contempla-
 tus, cumq; Diuinitatem cum ijs comparatam, earum præ-
 dicatis spoliasset; quos duos esse dixi intellectiōis nostræ
 gradus, intensè tandem, & fixè Deum cogitans rapitur
 in illum, atq; quādoq; mirabilem patitur extasim, in qua
 Deus

Deus ipsi per ineffabiles illabitur species, per quas ab illo sine enigmate cognoscitur. Hic omnia, ingeniosissime Gaufride, sunt admirabilia, ineffabilia, inscrutabilia: Hic terra miscetur Cælo, Cælum descendit in terram: Hic Beatitudo peregrinatur in via, via transformatur in Patriam: Hic viator moritur, quia felicius viuit, quinimmo felicius viuit, quia moritur. Hic anima extra corporis cācellos est raptā, sed a cancellis corporeis non mouetur. Hic potentia incapax eleuatur ad substantiam immensā; sed immensā substantia demittitur in modum. Hic intellectus dum perfectius cognoscit, incognitas induit formas. Neq; verò putes hasce species, per modum habitus in nostro intellectu imprimi; Illabuntur enim quasi vnda præterfluens, vt propterea qui raptus erat, ab illo raptu restitutus nihil eorum quæ viderat recordetur; Rester verò tantummodo memoria vitalis actus obscuri tamen in suo termino: Hinc asseruit Paulus se illa vidisse, quæ fas homini non est loqui; Non quia, sub anathemate præceptum fuisset Paulo, ne illa manifestaret, sed quia impotens erat Paulus ad ea significanda, quorum species ab illius mente præter fluxerant: Hinc vide quantum humana ingenia materiæ captiua, Diuinitatis sint capacia; Vide quantum iuris mens nostra, contagione terræ infecta ad punissimas cælicolarum substantias sibi vindicare gloriatur; Vide, an dederit Deus animæ nostræ, vt de terrena

radice

radice in Diuinas auras quandoq; feliciter efflorescat;
 Vide tandem quātū hęc eadem anima in terreno crea-
 ta conceptu a spiritualibus recreetur obiectis. Hęc tibi,
 cordatissime Gaufride, non contradicere, sed quasi con-
 dicere volui; Quòd si qua ex parte non conueniam te-
 cum, ignosce, quando, si ex omni parte conuenissem, hinc
 mihi ad te scribendi erepta fuisset occasio: Optimè nosti
 ex vnisonis nullum melos emergere. Hoc ipso temporis
 articulo, quo scribendi finem facio ex amico intelligo
 tuum illum Filogenis partum, quem in sæcundissimo
 mentis vtero conceperas ad exitum maturari; Vrge
 opus, quando video Gloriam, quasi glorię auidam insta-
 re, vt tanto sętui obstetricetur. Vale.

Imprimatur

Fr. Ambrosius Rogerius Inquisitor Parma.

Franciscus M. Sinib. Vic.

Vidit Moriscus Gub.

MC

